

# Powšitkowne WOZJEWJENJA

njedźelu, 28. januara 2018

## 75. posmjertniny zbóžneho martrarja Alojsa Andrickeho

Lětsa je 75 lět, zo počerpje kapłan Alojs Andricki w Dachawje martrarsku smjerć. Wopomnjenski dzeń zbóžneho martrarja je sobotu, 3. februara. Swjatočnu Božu mšu na tutym dnju změje Drježdžansko-Mišnjanski biskop Heinrich Timmerevers w 10 hodź. w farskej cyrkwi w Radworju. Kemšam přizamknje so zetkanje a přikus na zahrodže wokoło cyrkwy. Wšitcy wěriwi ze serbskich wosadow su wutrobnje přeprošeni. Parkowanišća steja před šulu a za sportowej halu k dispoziciji.

## Za jězbu do Dachauwa a Mníchowa

Bus z młodostnymi, kotřiž wobdžěla so na putnikowanju do Dachauwa a Mníchowa, wotjědže sobotu, 3. februara, w 6 hodź. z Chrósćic wot busoweho zastanišća. Woni měli sej nimo Wosadnika počehnjenje, spanski měch, mały zawk, trjenje a tofle sobu přinjesć.

## Přednošk wo krejnych swědkach

Na předwječoru 75. posmjertnin zbóžneho kapłana Alojsa Andrickeho porěči prelat profesor dr. Helmut Moll z Kölna pjatk, 2. februara, w 19 hodź. w Drježdžanskim Domje katedrale (Schloßstraße 24) wo krejnych swědkach za Chrystusa w dobje nacionalsocializma, kotřiž su ze Sakskej zwjazani. Mjez druhim předstaji społnomócnjeny Němskeje biskopskeje konferency za martyrologij 20. lětstotka měšnikow Aloisa Scholzu, kotryž ma serbskich přjedownikow, dr. Bernharda Wenscha, kotryž bě w Kamjencu z kapłanom, a Karla Leisnera, kotrehož zbóžnoprajenje 1996 su mnozy Serbja w Berlinje sobu dožiwili, kaž tež wyšku Goppelskich nacaretskich sotrow, mać Augustinu, kotraž bu 8. meje 1945 wot ruskich wojakow morjena.

## Wo zabytych literarnych twórbach serbskeho fararja

Literarny wječork pod temu „Jurij Winger 1872–1918 – njeznaty“ wuhotuje Towarstwo přećelow Smolerjec kniharnje štwórtk, 8. februara, w 19.30 hodź. w Budyšinje na Sുകelnskej 27. Dr. Franc Šěn porěči wo zabytych literarnych twórbach fararja, spisowacela a přeložowarja Jurja Wingera. Přitomni budu jeho burske powědančko „Što je wina?“ słyšeć. Předwidžane spominanje na fararja a spisowacela Jurja Wingera 27. februara w Chrósćicach so na 1. meju přestorči.

## Zhromadny dzeń za 1. a 2. lětnik

Dekanatne dušepastyrstwo přeprošuje džěci 1. a 2. lětnika wutoru, 13. februara, wot 9.00 do 15.00 hodź. pod temu „Póstnicy“ do Don Boskoweho domu we Worklecach. Zajimcy njech so prošu hač do pjatka, 2. februara, pod telefonowym čisłom (03 57 96) 8 87 07 abo přez mailku na worklecyc-kise@gmx.de přizjewja. Za wudawki dnja zběra so wobdžělenski přinošk we wysokosći štyrjoch eurow.

## Zhromadny dzeń za 3. a 4. lětnik

Dekanatne dušepastyrstwo přeprošuje džěci 3. a 4. lětnika štwórtk, 22. februara, wot 9.00 do 15.00 hodź. pod temu „Póstny čas a mój wopor?“ do Don Boskoweho domu we Worklecach. Zajimcy njech so prošu hač do pónđzele, 12. februara pod telefonowym čisłom (03 57 96) 8 87 07 abo přez mailku na worklecy-kise@gmx.de přizjewja. Za wudawki dnja zběra so wobdžělnski přinošk we wysokosći štyrjoch eurow.

## Wo boju přećiwo wobšudnistwu při žiwidłach

Rodženy Radworčan dr. Handrij Klimant přednošuje pónđzeli, 29. januara, w 19.30 hodź. w kafeteriji Domu swjateho Jana w Smječkach k temje „Bój přećiwo wobšudnistwu při žiwidłach“. Dr. Klimant džěla w zwjazkowym zarjedže za škit přetrjebowarjow a wěstoty žiwidłow w Berlinje.

## Mandželske seminary

Za pory, kotrež chcedža so přichodnje zmandželić, poskičuje Worklečanske dekanatne dušepastyrstwo młodžiny seminary k třem terminam. Tute wotměja so stajnje pjatk a sobotu, 23. a 24. februara, 23. a 24. měrca kaž tež 30. nowembra a 1. decembra. Pjatk traja wone wot 18 do 22 hodź., sobotu wot 9 do 17 hodź. Přizjewjenske formulary, kotrež su w cyrkwjach wupožene a pod [www.posol.de](http://www.posol.de) wozjewjene, měli so wupjelnjene hač do srjedy, 31. januara, na scěhowacu adresu póslać: Dekanatne dušepastyrstwo za młodžinu, Młynski puć 4, 01920 Worklecy. Dalša móžnosć je, formular z mailku na [don.boskowy-dom@t-online.de](mailto:don.boskowy-dom@t-online.de) abo z faxom na čisło (03 57 96) 9 55 95 póslać.

## Džědojo a wowki z wnučkami

Na prózdninski tydžeń džědow a wowkow ze swojimi wnučkami přeprošuje Smochčanski Dom biskopa Bena wot pónđzele do pjatka, 19. do 23. februara. Lětuša tema rěka „Boža pisana stwórba“. Přizjewić móža so zajimcy pod telefonowym čisłom (035935) 22 316 abo z mailku pod [paedagogik@benno-haus.de](mailto:paedagogik@benno-haus.de).

## Kruh židowstwa so zetka

Lětuše přenje zarjadowanje džěloweho kruha „Zetkanje ze židowstwom“ wotměje so pónđzeli, 29. januara, w 19.30 hodź. w Smochčanskim Domje biskopa Bena. Tema wječorka rěka „Stawizny Israela w starozakonskej dobjě“.

## Zymska akademija k temje „Pytaj pokoj!“

Lětuša zymska akademija pod hesłom „Pytaj pokoj!“ wotměje so wot srjedy do nje-dže, 7. do 11. februara, w Smochčanskim Domje biskopa Bena. Při tym nawjaza so na hesło lětušeho 101. zjězda katolikow w Münsteru. Sto lět po skónčenju Přenjeje swětoweje wójny chcedža za přičinami namocy a wójny pytać, při tym bibliske pozicije a teologisku tradiciju rozmyslić a wo tym diskutować, kelko wójny je džensa za měr trjeba. Nimo přednoškow wjacorych referentow ma so štwórtk, 8. februara, w 19.30 hodź. na Budyskim krajnym sudnistwje džiwadłowa hra „Teror“ znova předstajić. Informacije k tomu poda Dom biskopa Bena. Zdobom móža so zajimcy jeničce za džiwadłowe předstajenje kaž tež za zymsku akademiju pod telefonowym čisłom (03 59 35) 22 315 přizjewić. Zarjadowarjej stej Dom biskopa Bena a Katolska akademija Drježdžansko-Mišnjanskeho biskopstwa.